

日本  
撰述

# 本朝高僧傳

二十三

七十四

一	世	祖	顯	宗	一	大	琛	瓊	子
寧	源	因	日	鑑	因	慧	海	林	曇
智	鏡	崇	慧	德	上	因	仙	弘	會
保	因	喜	輪	儉	昭	然	原	會	道
	良	宗	道	巧	處	紹	智	慧	道
	真	吳	生	安	謙	瑾	義	璿	隱

内閣文庫	
番號	和 29478
冊數	32 ( 12 )
函號	192 480



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



教部  
文庫

本朝高僧傳卷第二十三

丙一〇一〇一號

淨禪三之五

濃州盛德沙門 師蠻 撰

圖書

相州建長寺沙門子曇傳

釋子曇號西礪俗姓黃氏宋之台州仙居郡人自幼

聰敏志操踔絕入本郡紫籙山廣度寺出家身長七

尺日光射入才思濬發特善筆翰十七遊方在蘇州

承天石樓明禪師會裏典內記咸淳乙丑石帆衍和

尚赴詔淨慈道價歷時曇腰包參謁頓息馳求復隨

還天童執侍六載常志東遊遂以文永八年觀光

圖書

吾國時年二十三東福聖一建長大覺下榻相待而  
以年弱不董一利弘安戊寅卷衣歸元依天童環溪  
和尚主司藏鑰至元二十三年出世台州紫巖嗣香  
供石帆一住四載拂衣入杭徑山雲峯和尚招歸首  
座職解遊嶽丙寅董潭之天柱歷數禪回廬阜圓通  
玉崖振公舉第十座與一山萬斷江恩月江印往來  
酬唱聲流江湖大德元年謁南洲珍公于平江萬壽  
亦延居首座寮正安元年偕一山寧禪師重來年五  
十有一副元帥平貞時欽執弟子禮請住圓覺公務  
之暇參尋宗乘海衆屯聚聲光達宸後宇多上皇親

降綸綽諮詢禪要曇獻法語一段大愜聖旨嘉元元  
年遷董建長四夏歲序緇白歸抱益多矣曇嘗贊初  
祖画真曰一言梁主不相投蘆葉翻波太莫留九載  
嵩山人影絕神光隻臂謾相酬無中號日内外念能  
所東西絕往來空王遍摩刹門戶鎮長開德治元年  
冬十月退居于正觀精舍二十八日凌晨手簡遺平  
帥日子曇茲風火相逼弗及面違佛法正宗全賴鼎  
力主盟至囑因召門人付後事復書遺偈擲筆而化  
春秋五十有八諸徒奉遺殖葬于福山傳燈菴塔日  
定明教諡大通禪師

贊曰曇公道貌偉奇材力雄富年僅十八觸石帆之  
風振松源之宗再來此國管轄大利想夫妙提玄唱  
堆冊盈帙而今難得半稿隻簡蓋乏於貽厥也又六  
代祖師真贊在泐山之庫余幸獲高躅之遺既書載  
燈錄

洛東勝林寺沙門瓊林傳

釋瓊林文永年中入宋參禪山虛舟度和尚舟付傳  
泐偈并衣歸居艸河韜晦不出高尚天祐順公之風  
嘉元年中虛舟和尚語錄附商舶至林募緣壽梓爲  
之序曰瓊林昔年絕海遊宋往來其越多侍先師於

武林湖山間每聞火爐頭話間舉平昔提唱以其未  
許學者流通紙襖所錄才竺峯冷泉兩會語耳別德  
三十年不見大篇全章爲恨痛切不意忽獲八會全  
錄喜不自勝卷不釋手觀其語句詞氣簡古機鋒脫  
略如侍座隅親聞激勵真末泐光明幢也然深恐此  
書湮沒則非爲人後者職故命工鈔梓垂之無窮儻  
閱此而知有松源師祖的傳之旨則孰謂無補於宗  
門哉林後構見山菴而終

贊曰寬元之間天祐順公入宋傳北磻師之禪而歸  
構勝林寺懷藏利器獨樂佛祖之道矣過六十年林

日本書紀 本朝高僧傳卷之三十三  
公嗣虛舟和尚之迹復居此地而不與世交與順公  
名望相繼余適看虛舟語錄始知其名因載其序立  
爲傳焉

京兆東福寺沙門琛海傳

釋琛海字月船生于播州賀古郡管姓氣骨不凡早  
厭在纏雜髮本州書寫山負笈南北京凡三藏聖教  
靡不該貫特粹于密典既歸本山結廬西偏恒以禪  
觀爲務一衆師事稟顯密者多龜山帝聞海學業器  
權法眼海視名如屣棄往上之長樂參一翁豪公翁  
延以盛禮令居別室教禪兩陣且夕相戰海每倒戈

於此革衣相從數稔日臻玄奧始信臨濟宗旨迥出  
常情有呵佛罵祖之事時聖一唱佛鑑之禪海渴心  
且熾登慧日山日擊道契服勤數載弘安四年一翁  
順世其上足斲岸空公繼補長樂越年岸寂鎌倉副  
元帥平時宗特起海出世開堂爲聖一之嗣是時叢  
制粗備四方學者輻湊海住長樂二十年以禪教律  
應扣示導大開化門高峰和尚亦居雲巖奔競龍象  
因有東方二其露門之稱武州太守平氏剗東永精  
舍聘海爲開山祖拜受衣盂執弟子禮赤城山有一  
練行者三十年影不下山木食澗飲甚有神異海偶

至其地行者出迎曰弟子仰師道遠久矣然有願故  
不出此今幸光臨願受戒法以結勝因海授與三歸  
安名曰了儒一朝其人忽詣丈室海問汝從何來曰  
赤城來海曰幾時離彼曰今晨海微笑其人乃作禮  
而去自爾或一月兩月頻來率皆凌晨而至野之日  
光山修灌頂法講海為大阿闍梨壇上有鈴體製出  
聖一振之衆鈴皆瘖老宿語曰昔有異僧持此密鈴  
坐磐石上見獵者來捐鈴而去獵者得之以獻寺主  
藏之神庫多歷年所今因請師啓神出之海執鈴歎  
曰希有神鈴我今值此法筵為阿闍梨師實是夙德

之所感也與用無量珍觀於老僧不如施一密鈴即  
懷鈴而歸衆皆愕然不能護惜焉今在普光云一時  
逢歉歲會衆闕糧有一冠人面黑身矮謁河越檀氏  
曰吾長樂和尚使也平氏曰有何所示冠人曰今年  
米價翔貴寺厨乏糧衆將他往檀越豈無意耶平氏  
諾之冠人謝曰善哉檀越謹領尊旨平氏即施送米  
百斛一衆瞻足僉謂冠人乃本寺所供之大黑神也  
德治二年關白師教藤公九條聘海主東福未基羊屬  
微疾謂左右曰先師聖一國師坐常樂閣而入涅槃  
老僧亦當効之即至國師遺像右屹然而坐門人及


寺衆皆怪之少選索筆書偈曰四大假合七十八年  
未後一旬威音王前放筆而化異香發越經旬不滅  
寶延慶元年六月二十六日也門人築塔曰正統長  
樂牧翁一公海之神足也擬爲海樹塔擇地未決夢  
乾坤之內一色純清如琉璃世界有大日輪自東方  
來墮於寺南卽而視之化爲大士莞爾告曰我名普  
炎菩薩實藥師如來之應現也汝欲爲師擇塔地此  
處最吉言訖卽隱遂就所夢建塔曰普炎勅賜號法  
照禪師

贊曰太黑神者梵天眷屬也竺乾諸寺木彫其像奉

祀飯食珍羞香火甚靈寄歸傳引經具記其來久矣  
至其爲寺主使往檀越家勸化僧糧賙給一會可以  
爲靈焉又受日炎審鈴伏赤城山人皆是海師道德  
之所感也吾謂得悟之人若修密法靈感影響豈私  
言耶

京兆東福寺沙門大慧傳

釋大慧號癡兀勢州人大相國平清盛之胤也初號  
平等爲睿山之徒聰英博識本朝八宗之學無不綜  
錯其最精者真言教多所發明當時東台密者傳爲  
平等義聞聖一國師之禪化憤然欲與之角旣卽往



東福謁見問答徵詰國師曰經不曰乎緣心聽法此  
法亦緣非得法性汝何涉義解慧伎倆頓盡易衣入  
室參詳日淹遂有所契初掌記室後爲第一座慧嘗  
於勢州開兩寺唱單傳宗旨一日長松山安養寺一  
日瑞雲山大福寺晚年自構塔院於安養側梅曰審  
篋應長辛亥秋藤丞相降鈞帖起主東福衆欽其德  
義之高正和元年仲冬二日示寂臨終偈曰高超方  
便自證自然爲物應世八十四年荼毘獲五色舍利  
無算塔曰大慈滅後三十三年敕謚佛通禪師所著  
有法華要鈔枯木集十牛訣

尾州長母寺沙門一圓傳

釋一圓號無住相州鎌倉縣人梶原氏其先世仕源  
將軍曉幼齡喪父依常州親族十九投州之山寺薙  
髮稟具此時教門名德太半在東關曉習俱舍頌疏  
於幸圓僧都聽法華玄義於法身大德二十七適上  
之長樂寺依藏叟譽公參禪之暇聽釋論及圓覺論  
二年謁園城實道法師質止觀之旨又趨南京持犯  
開遮盡得其蘊居菩提山五載邈徧密水傍通法相  
玄致凡當時講說之場莫不經歷後見聖一國師於  
東福問經論奧義服其資深就弟子列遂受禪要文



永初尾州木賀崎初長母寺禪教兼弘圓性篤誠靈異尤夥熱田明神屢入室問法賜以般若全函一時久旱邑人請曉泐雲三日之後雷雨大沾藤相國崇其道行下鈞帳董東福三請殷勤曉固拒不受正和元丰十月十日終於桑名蓮華寺辭世偈曰一漚浮海八十七半風休波靜依舊坦然嘗著沙石集十卷聖財集三卷雜談集十卷小鑑一卷今皆行于世贊日月船癡兀無住三師本精于台密之教大抵經論家者嫌毀禪泐然三師入宗門定有因緣之存焉聖一國師無四攝之博安又使之歸服耶三師以至

誠故感驗儘多余三十年前兩次往長母寺尋無住之事又考其述作中以備今之撰

京兆建仁寺沙門宗鑑傳

釋宗鑑字明憲不詳其姓其許於大覺禪師槌下究大事因緣弘安四年住武之東漸寺嘗題偈曰此地分形隣少林二株嫩桂綠陰深前村不斷漁歌曲遠谷遙聞石磬音親說舌頭無味話全提鼻祖正傳心但仰聖加頻懇禱締構速成容衆襟後移洛之建仁參禪者益多晚構普光菴而居滅後敕諡明覺禪師

野州東山雲巖寺沙門顯日傳

釋顯日號高峯後嵯峨帝之子母藤氏仁治二年誕  
 于城西離宮今龍翔寺是也其夜有異炎上徹霄漢泐金剛  
 院僧徒以為失火及旦詢之乃知聖子誕生之瑞也  
 日龍章鳳質不浴自然香潔自幼不茹羶不嬉戲坐  
 必跏趺年甫十六從聖一國師落州披緇納滿分戒  
 行業純真就一老宿因問錄中意宿曰宗門話頭非  
 言說所及日日恁麼如何知其意趣宿曰須是自悟  
 始得日便歸堂裏端坐參究值普請次見人剗州誤  
 斷蚯蚓即問聖一曰蚯蚓斬為兩段兩頭其搖未審  
 佛性在那頭國師曰須彌不高大海不深日便領旨

時年二十南都律師某訪國師次見日英敏白國師  
 攜而太居之不久潛遁歸東福巾侍數載會元庵和  
 尚來自宋住建長日往掛搭菴命湯藥因謁府內諸  
 老皆以高賓待之後入下野那須山誅茅隱棲道香  
 發聞禪客跡路而至日堅拒不許若有被其接容者  
 謂之登龍門有檀越欲為日建精藍日痛搗呵之檀  
 越日昔須達長者為佛世尊立精舍未聞如來禁止  
 師何固辭日乃許之富者以金帛施貧者以力巧施  
 殿堂門廊不日而成逮開雲堂日衆盈萬指即東山  
 雲巖寺是也時佛光禪師住巨福山一翁豪公素與

日善馳書招之令見佛炎一日佛舉百丈捲席公案  
問之曰日一狀領過佛曰你因什麼向老僧鉢盂裏  
洗浴日日百雜碎佛呵呵大笑日辭旋雲巖佛致書  
求其平日述作日以偈答日一見明師意轉開癡憨  
終日坐烟巖飽柴飽水無餘事禪道文章何處安及  
再覲佛炎問答數返如明珠走玉盤更無疑滯佛即  
付信衣并法語印之日即歸雲巖鳴鼓開堂燒香酬  
佛炎之法恩問答罷乃日靈山密付不在微笑邊少  
室單傳不在安心處絕毫絕毫時如山如嶽如嶽如  
山處絕毫絕毫直得刮龜毛於鐵牛背上截兔角於

石女腰邊左旋右轉風行艸偃正按傍提是飛電激  
正恁麼時還當得從上宗乘麼良久日千重百匝俱  
粉碎倚天長劍逼人寒舉達磨大師逾海越漠爲法  
求人少林九季冷坐淡雪中得一個末後問他所得  
只禮三拜依位而立大師曰汝得吾髓遂以衣法俱  
付日上座近日見建長和尚洎問所得無語而可對  
無理而可伸直得一場懨懨然雖恁麼借路經過試  
述一偈師資相看口耳忘得皮得髓錯商量東山山  
下左邊底突出機前不覆藏喝一喝下座歲旦上堂  
元正佳節歲月一新大用繁興舉必全真雖然擲地

金聲因甚賢者不害祥麟丹鳳因甚瑞世非珍擊禪  
牀日聖人不仁上堂三月好炎景溪山春色濃靈雲  
著肩眼裏玄沙藏鋒袖中大衆要見一老落處麼良  
久日人面不知何處太桃華依舊笑春風解夏上堂  
鳥有兩翼飛無遠近道出一隅行無前後所以道有  
時結結時有解有時解解時有結雙明又雙暗全放  
又全收若恁麼會得諸人在這裏亦不空過一夏喚  
冬瓜直儻侗執子曲彎彎弘安丙戌冬佛光遺書至  
日卽獻供上堂舉南泉示衆云來日設馬祖齋未審  
先師還來否衆皆無語洞山出衆云待有伴卽來泉

云此子雖後生甚堪雕琢山云和尚莫歷良作與執  
日南泉設供失錢遭罪雲巖今日不問他來與不來  
何故大海若知足百川應倒流卽日在建長治喪又  
返東山日久住雲巖大闡玄化時大應國師住筑之  
崇福天下學徒指那須橫嶽爲二耳露門正安二年  
師年六十董相之淨妙嘉元癸卯住乾明山萬壽寺  
三年乙巳移淨智正和甲申主建長江湖雲衲每刹  
檀堂歷兩歲歸東山五年丙辰十月二十日中夜書  
偈坐化報齡七十有六僧臘六十有二定下東山塔  
于淨智扁正統後移長敕謚佛國應世廣濟國師有五


處七會語錄若干卷元之鳳臺古林茂公鷄足清拙  
澄公本覺靈石芝公爲之序跋見今行世  
贊曰高峯國師寬元帝之子志氣天然別脫白慧日  
師承佛光開雲巖寺接度千衆二耳露之稱不虛譽  
稟其法者二十餘人皆有龍虎翅角住五山十刹豈  
其從天潢出者其流必長之謂與余昔蒙歲留建長  
正統庵院主名吾曰顯昌屢入饗堂拜奉國師之像  
當時尊其眞容清穆異於庸人而已今閱語錄行狀  
尊慕之心眷眷蓓蕙于昔生矣

京兆南禪寺沙門祖圓傳

釋祖圓號規庵不詳其姓氏信州長池縣人母氏夢  
龐翁沙門持般若心經授之尋卽有娠弘長元年誕  
童髻師相之淨妙龍江宣禪師下髮受戒稍長在福  
鹿間參佛光國師光器許痛下錐割命充內記副元  
帥平時宗謂圓曰子他日必興法憲教乘名何豈非  
添財乎圓爾之及佛光示寂卷被入東福謁大明國  
師入室請益禪講交馳又往紀之鷲峯法燈國師舉  
居版背一夜坐堂中見月色穿窻偶爾成四句吟興  
愜懷定中動念燈在禪牀知之喚圓至呵之曰昔座  
莫妄想圓驚赧汗下忽然省得已事正應問大明開

瑞龍山率圓行命掌箋翰屢稱於龜山上皇辛卯冬  
大明寂焉上皇救圓繼席時年三十一圓乃往相州  
拜佛光之塔供汰乳之香高峯日公與之證明既據  
龍山四方英傑翕然臻集冬至上堂烏兔奔忙不改  
舊時炎彩乾坤寂爾猶涉造化軒旋豎起拂子曰獨  
有這個哉玄機於未兆藏冥運於卽化還委悉麼擊  
禪牀下座圓爲人頌長疎眉秀目對人溫柔臨衆威  
嚴上皇晨昏孜孜參請一夕源僕射有房六寢中心  
動忽起思惟恐宸衷有虛乎乃馳入龍山時上皇在  
下宮兀坐如思觀有房有急劇之貌問曰卿何中夜

而至乎有房奏事上皇笑曰今日與圓師舉論宗乘  
圓師徵詰抑逼不少假也朕旣靡障披是以胸懷梗  
塞未能寐也如卿之忠襟與朕通乎有房扣頭曰陛  
下夙受佛記善聞思修然陛下聞思因圓師激發也  
臣之愚忠又因陛下感發耳上皇肯肯上皇病中有  
御製偈以賜圓圓依韻上進曰玉皇仙是病無垢一  
朶紅雲擁九關常寂光中塵不到上方香散午盂盤  
如是酬和不可勝記然南禪惟仍舊貫梵制未全圓  
住持二十四載盡力造營於是大殿泐堂厨庫雲堂  
以至三門廊廡叢林當有者皆悉具體正和二年暮



春寢疾首夏二日中夜坐化有辭世偈曰一躍躍翻  
黃鶴樓一拳拳倒鸚鵡洲臨行一著元無別黃鶴樓  
前鸚鵡洲閱世五十有三停龕三日鄰封來祭門第  
子遵遺命葬于歸雲庵圓丈室東偏手植篔簹竹入室  
時其色變白三日後復青救謚南院國師  
贊曰南院國師生氣伶俐求已參究造次顛沛必於  
斯偶動念禪牀為泐燈所呵而有省所謂觀過斯知  
仁矣者與古稱菩薩於定中聽香象之渡河者泐燈  
之謂與當時師學之嚴切懸與今時殊其拜佛炷之  
塔供嗣泐之香泐兄高峯為之證明者非古塔主之

嗣雲門之類蓋不忌其本也及移南禪規營大伽藍  
以極輪奐其功幾多居耶

相州建長寺沙門世源傳

釋世源字太古不詳姓氏常州人初參兀庵和尚粗  
有省所住庵十年以胸中未穩在又依佛炷炷舉香  
嚴擊竹偈下語不契自謂曰吾為此事出家誓不  
當不措炷遷巨福源從侍專心參究未經數月廓然  
契悟因作偈曰艸鞣破處腳頭穿纔到家時洗脚眠  
昔日枉成岐路泣今朝見得火中蓮炷舉居第一座  
永仁年中開泐炷福尋後萬壽建長後構向上庵於

福山中屏居養老元亨元年九月二十五日奄然終  
於佳庵春秋八十有九敕謚國一禪師

京兆南禪寺沙門一寧傳

釋一寧自號一山世姓胡氏宋國台州人稟生端重  
氣宇神秀齠齡就學唔吟琅琅鄉黨稱其英敏稍長  
慕桑門投郡之鴻福寺無等融公童侍二年辭往四  
明隨普光寺處謙習法華等諸經踰二歲得度進具  
聽律部於應真寺學台教於延慶寺嫌義學支解棄  
到天童質疑簡翁敬和尚敬問曰一心三觀以何爲  
體寧卽一笑敬許參堂坐究二暮上育王山依藏叟

珍公珍退而後東叟愷寂牕照頑極彌相繼住持寧  
奉專四師獨欽頑極一日慙乞宗要極曰我無一法  
與人寧卽契悟尋典大藏關鑰解印雲遊天台鴈蕩  
間謁環溪一橫川琪巧庵祥清溪沈諸老敲磬酬酢  
益深造詣至元甲申夏住四明祖印寺上堂祖師心  
印古篆分明無端後來胡擔亂擔失真了也今日在  
寧上座手裏試倒用看拈拄杖卓一下日錦縫全開  
朱點不露運靈樞於劫外敷大化於寰中直得巨鰲  
不動三山常聳於太虛萬國來賓帝祚永隆於億載  
雖然只如紋篆未形已前又作麼生卓一下日收復



日本抄述 卷之三十三  
一  
舉楊岐問慈明幽鳥語喃喃公案拈曰是則是猛虎  
不食其子因甚慈明連喝兩喝楊岐禮拜一衆稱之  
居十載遷慶元府補陀山指山門曰海濤澎湃鐘鼓  
鏗鏘莫是人理之門麼上堂舉雲門示衆云聞聲悟  
道見色明心觀世音菩薩將錢買胡餅放下手卻是  
饅頭豎起拂子曰者個是色擊拂子曰者個是聲道  
作麼生信心作麼生明擲拂於後曰莫教錯認定盤  
星住持六年海岸靈區寧之道義光輝並騰一日詣  
巖洞忽見大士現於圓光中隨喜作禮先是至元十  
八年世宗欲兼併日本發戰艦六萬軍卒二十萬來

屯于五龍山一夜神風大吹海軍悉沒成宗秦心未  
歇欲遣有道名衲勸誘以爲附庸大德三年吾國商  
舶偶在明州於是遴選俊髦臺評湊寧乃賜寧金襴  
御梨并妙慈弘濟號遂慶元府判官僧錄司知書及  
官員五十人至寧陀山勸寧東渡軟語慰勞寧逼不  
可追受命駕船旬有三日屆太宰府本朝正安元年  
也船主以書白帥府發遣相州副元帥平貞時疑寧  
爲游偵編置豆州修禪寺寧晝夜禪誦悠然樂道或  
說平帥曰寧公彼國望士來出于抑逼有道之士無  
心於萬物也豈必區區慕子卿之節哉且夫沙門者

日本書紀卷之三十三  
福田也。在元國元之福也。在我那我之福也。由此赴  
相陽初。東方緇素聞寧。錮居盡然。傷心至此。隨喜瞻  
禮。山內館舍門外作市。冬十二月。主建長大道場。火  
無臨其地。日十方無壁落。四面亦無門指。一下。日者  
裏入得。別是乾坤。上堂拈拄杖。卓一下。日建。法幢又  
一下。日立。宗旨。法幢已建。宗旨已立。極微塵刹海。只  
在。一毫端。盡無量億劫。悉歸。彈指頃。塵塵不昧。法  
全彰。如帝網珠。交光相羅。如師子兒。遊行無畏。豈有  
公來之相。何曾彼此之分。便見拈華付法。笑裏刀鎗  
面壁安心。口頭人事。衣盂傳授。屈辱當仁。棒喝交馳。

取笑。作者自餘張弓架箭。列主分賓。正是鑿空造端。  
欺胡瞞漢。畢竟太平。時世說甚干戈。所以山僧萬里  
西來。只麼素面相呈。更無勞攘。然雖如是。卓一下。日  
將此身心。奉塵刹。是則名為報佛恩。復舉首山和尚  
示衆云。佛法付屬國王大臣。有力檀那。人人燈燈相  
續。至于今日。且道。續個甚麼。須是迦葉師兄。始得拈  
日昔山和尚發揚靈山。付屬固是。光明要且。只是一  
期方便。爭如今日。有大力量人。親承記莖。向一千  
年後。於日本國內。續此一燈。直得輝今輝古。諸人還見  
麼。若也不見。山僧更爲點出靈山佛法。付王臣。今日

扶桑話又新一道恩光徧塵刹東溟天曉湧金輪一  
住四載洽規濟濟諸檀信服萬衲鑽仰壬寅十月遷  
住圓覺元正上堂新牛頭舊牛尾四序已夏端三陽  
猶未啓不是佛法亦非世諦不是因緣亦非自爾豎  
拂子曰會得遍地祥風普天和氣上堂睦州擔版漢  
趙州喫茶太口如崖蜜甜心似黃連苦所以圓覺尋  
常於諸人不敢發毫鎔悞良久日射虎不真徒勞沒  
羽住職二禩復歸福山謝兩序耆舊日普化成禪臨  
濟珍重下太楊岐輔佐慈明時出春語是皆砒砒之  
質豈爲瑚璉之材福山者裏左眄則冰清玉潔右顧

則虎驟龍馳機鋒閃星電號令鼓風雷山僧贏得放  
憨癡閑看峯雲自去來雖然莫便是福山爲人處麼  
良久日妙舞莫誇迴雪手三臺須是大家催不幾移  
淨筇道望愈高正和癸丑秋南禪虛席後宇多上皇  
敕平元帥促寧住持荐入山問道縉紳官輶車馬載  
路士庶趨謁恐後寧以老病屢乞免退優詔不允潛  
遁越州上皇家書慰諭促回日親書特告南禪長老  
一山禪師朕聞師之道價久矣所以下詔關東以官  
坐請來也一得會晤宛如獲司南之車也慕德欽風  
三閱青黃而聞有心退席而數數理行裝也太羊親

謂審利為勾之也近者亦聽打拚行李書以慰諭公  
乃屈蒲輪來諾許朕意不料暗裏出城遠涉山川矣  
若得回來再相見必託隨自便養病菴中追於懷璉  
之古風也何須更歸東關矣直饒燕居南禪東堂使  
小師等如元安著有不可寧又有魔賊之擾乎大  
都公長化此方廣結四衆之緣則朕所願者也宜快  
歸來也文保元年季秋示疾上皇幸寺駐蹕龜山廟  
塔時時問疾二十四日曉手書遺表獻于廟塔曰一  
寧頓首泐皇陛下聖駕幸本山寔緇門觀光也一寧  
不幸臥疾數日百體舉而不仁不能再瞻龍顏大變

時至幻質將推僭據忠情入無生三昧耳又書偈曰  
橫行一世佛祖吞氣箭已離茲虛空墜地置筆奄爾  
而逝壽七十有一上皇得表忿怩幸寢室跌坐儼然  
如生皇情震悼優醮宸奎贈國師號宣源僕射有房  
作文祭之敕建塔於龜山廟側奎畫賜泐雨額又御  
製像贊曰宋地萬人傑本朝一國師其為人主被崇  
如此寧性仁慈和氣逼物釋典諸部儒道百家稟官  
小說鄉談俚語綜錯汎濫常坐一榻不須通謁舊侍  
新到出入無間禪策中古事方語之難曉學者病諸  
暨寧兵止就質之寧運管酬之若入羣玉府信手執

之寧以善筆翰持楮帛需書者常盈門限四會者述  
若干帙寧手刪成一卷有門人齎入元者靈石芝古  
林茂中峯本各著題尾以證焉  
贊曰一心空界渾然平齊自方他方何隔之有所以  
諸佛諸祖三界爲家隨緣度生雖逢順逆境未嘗勞  
心思寧師逼元帝命來止此方住四大刹德化王侯  
藐焉幻身浩蕩不比其胸宇之恢與天地同大不知  
其本者詭爲間諜又猶如以管見月曷能知大明無  
私照邪

相州建長寺沙門弘會傳

釋弘會或曰德慧號東里因知姓氏宋國明州人幼齡出  
家徧參後歸西禪月潭圓公親受記莖聞此方國風  
延慶元年半浮海東渡錄倉副元帥平貞時講住禪興  
不幾遷建長江湖學賓參講絡繹以文保二年八月  
二十八日順世臨亡書偈曰無始無終不生不滅虛  
空消殞大海枯竭築塔禪興扁曰傳宗  
贊曰宋元之僧觀光吾國者大概支那之豪傑也故  
受王侯之盛禮道光于千載會公密庵和尚四世之  
孫宗派昭晰其爲宗匠也可見焉惜乎其行實之沒  
也福山住持簿僅存各次耳是以今人罕聞其名余

江湖漫遊之時雜冊活套之中搜索其土查又得辭  
偈一首因以立小傳焉

筑前承天寺沙門仙原傳  
釋仙原號耕叟不委姓譜州里久依聖一國師歷任  
高職後往鎌倉謁無學元公歸來嗣國師出世筑前  
承天肥後檀越某舩竹林寺延源爲開山始祖學徒  
多歸因雪示衆偈曰寥寥宇宙無遮擱佛國三千一  
日間誰把須彌藏芥子白乾坤外更無山不詳其終  
所年月

京兆普門寺沙門圓然傳

釋圓然字奇山駿州久能人聖一國師之族姪也久  
侍國師悟徹己事密受印記學識尤博住洛之普門  
恢弘宗猷大丞相內經藤公條入室參禪遂稟戒法  
并祖衣執弟子禮因就城南山崎邑建成恩寺講然  
爲開山祖嚮遇甚渥然後終於普門寺

相州壽福寺沙門上昭傳

釋上昭號寂庵師事裁叟譽公發明心地後南遊入  
宋與南浦約翁無象樵谷同參虛堂愚偃溪聞介石  
朋簡翁敬諸老皆蒙優賞及還鄉依大休念公分座  
壽福一衆優賞不幾出世嗣藏叟昭失行錄有示衆

語曰離念相徧虛空界是雖出論文殆有宗門旨汝  
 等作麼生會晚退休松鵠庵正和五年六月十六日  
 吉祥坐化壽齡八十有八教諡宏光禪師

本朝高僧傳卷第二十三八聖一國師之

音訓

躡	竹角切	籀	他各切	董	多動切	拈	一入切	殖	登職切
轄	胡八切	鏡	七林切	輻	湊	上下方六切	歉	苦點切	屹
魚乞切	憤	房吻切	角	觥	上下典禮切	詰	欺吉切	伎	倆
綺切	淹	衣炎切	篋	乞協切	遡	徊	下胡為切	夥	夥
仗切	剗	楚簡切	馮	呼回切	廊	魯堂切	慙	火舍切	膊
切多切	膊	鄰溪切	十	懣	懣	懣	懣	懣	懣
切	蓓	蓓	蓓	蓓	蓓	蓓	蓓	蓓	蓓
切	鑿	鑿	鑿	鑿	鑿	鑿	鑿	鑿	鑿

日本撰述

本朝高僧傳卷第二十三

三三止

日本書紀卷之三十三

追 胡玩切 游偵 上干求切下世 錮 古慕切 鎗 抽庚切

穰 汝兩切 甜 徒兼切 禡 音地 惹 書容切 砥砭 上因古切下芳

無切 瑚璉 上洪孤切 閃 失丹切 蹕 壁吉切 稗 薄邁切 俚

良以切 汎濫 上扶反切 謀 徒協切 荊 必列切 套 他到切

土苴 上他魯切 遮欄 上之奢切 離開切

江府住玉泉軒成九居士信施淨財鑲

本朝高僧傳卷二十三 茲冀

上報四恩下資三有家道繁興種智圓明

寶永丁亥佛成道之日

濃州路加納盛德禪寺 知藏比丘 識

本朝高僧傳卷第二十四

濃州盛德沙門 師蠻 撰

淨禪三之六

京兆南禪寺沙門德儉傳

釋德儉號約翁相州鎌倉縣路傍之棄孺子也始縣著姓見拾歸乳養在羣兒中嬉戲出隊每見佛僧合爪禮拜舞勺歲從父過福山大覺禪師奇其骨貌乞為童役教以經書俊拔警敏宛如宿習十六落髮往東大寺登壇具戒還侍洛之建仁覺問雪覆千山為甚孤峯不自儉日毒龍行處艸不生覺稱其答謂人

日本書紀卷之三十三

一



日本書紀 本朝高僧傳卷之二十四  
日儉今十九歲夏加三十年垂蔭於天下覺復董福  
山儉參從咨決遂徹玄機欲遊支那駕舶徑達台之  
九山首見寂窻照公於育王尋謁天童石帆衍淨慈  
東叟穎靈隱虛舟度徑山藏叟珍簡翁敬覺菴真咸  
推器重又一時大宗匠晦機熙一山萬末宗本寂菴  
相等皆樂與之遊往來吳越者八年所聞滋勝所詣  
益遠屬乎宋未連邊烽且警禪刹擾紛遂返楫而東  
省大覺於巨福會覺移壽福卽界侍香轉司藏鑰及  
其還領巨福典藏如故覺順世後低回福鹿間發揚  
所蘊流詠言句皆爲人所法大休無學二師特篤愛

之永仁丙申葦航和尚主福山界爲首座有檀越創  
寺山內號長勝請儉住持堂頭葦航引座上堂儉乃  
拈瓣香酬大覺之汰乳次遷東勝淨妙據室曰正令  
全提佛祖斫額抑下威光君子可八住禪興德治元  
年有詔董洛之建仁湖海雲衲素聞其名來集如羣  
鳥入林後宇多上皇夙慕儉道詔入西郊離宮咨扣  
禪要奏對稱旨乃賜故丞相良教藤公花苑一區以  
爲壽藏之地儉揭牧護延慶二年秋歸休東關庚戌  
春膺福山之選初儉在淨妙時夢有大龍橫福山門  
烟雲相擁遽化爲男子揖儉曰弟子爲師作檀度言

訖而隱至是二月初八日入寺乃土地神之誕辰也  
僉云前徵矣因扁東菴曰龍峯儉以受法之地討論  
舊典任重提示闔府列刹稱出水之冰也正和乙卯  
秋寺罹火災儉坐瓦礫場接納恬然仲冬搨退鼓屏  
居龍峯菴請留屢至堅臥不起文保丁巳冬南禪寧  
一山寂後宇多上皇傳旨召儉儉上表力辭乃詔平  
元帥貞時起儉平帥備驛衛士護送輦下上皇敕御  
史大夫源有房迎勞于道開堂日上皇率貴戚臨法  
筵四來龍象列班序實法門嘉會也上堂祝聖罷就  
座迺曰屋角青山摩空峭峻全彰鸞嶺真規門外白

河徹底深沉澹發曹溪正脈若有一人半人登其頂  
窮其源少室家風未至泯絕佛日與舜日長明堯風  
與祖風永扇正恁麼時以何爲驗卓拄杖曰一條拄  
杖麤刺律探得黃河徹底清復舉阿育王問寶頭盧  
尊者承聞尊者親見佛來是否尊者策起省毛良久  
云會麼王云不會尊者云阿耨達池龍王請佛齋貧  
道是時亦預其數拈曰一曲兩曲無人會和風吹過  
汨羅灣上堂樓閣門開洞見彌勒覺城東際觀體文  
殊諸人每日朝參暮參東討西討還見龍山巖崖也  
無若也見得天上無彌勒地下無彌勒無有一文殊

日本書紀 本朝高僧傳卷之三十四  
登有二文殊擊拂子下座元應元年十二月示微疾  
中使慰問翌歲春表謝院事將還相之舊菴上皇諭  
告不免幸黃門侍郎源有忠私第賜齋問法即宜還  
山大駕亦從入寺夏四月儉病厚上皇親臨問候儉  
奏以蒙恩際遇將辭盛世仰冀安國民弘宗教上皇  
歎惜久之遣國醫診治儉卻藥不納上皇重敕源黃  
門特賜佛燈大光國師之號儉起坐謝恩徐謂黃門  
日生膺國署者本朝未之有某豈敢當黃門日上皇  
以非常之禮待非常之人宜毋辭儉曰苟有佛燈何  
必大光並辭不歆黃門反奏上皇以謂謙謝四字彌

加欽歎重命曰大光二字裁損惟意佛燈之稱揆義  
惟允儉知詔旨難辭遂始祇受五月十七日疾革浴  
髮更衣集衆訣別垂語曰未後一旬始到牢關汝等  
諸人各下轉語一衆進語儉不敢可否明日自書遺  
表復召諸門人區分後事且曰毋厚喪禮維那投炬  
十聲念誦不可行餘佛事吾昔在靈隱親見退耕入  
滅大約類之訓飾諄諄夜將三鼓有僧問九旬聖制  
未半師將行腳未審龍山拄杖卓在何處儉便豎拳  
僧曰世尊雙林示雙趺國師龍山豎隻拳是「是」  
儉曰「任」大衆證明僧曰恩大難酬便禮拜儉以手

日本書紀 本朝高僧傳卷之五  
揮一揮曰你見甚麼道理便禮拜十九日詰旦衆環  
丈室儉示衆曰佛陀和尚曰一釋迦二元和三佛陀  
其餘是甚麼椀躡丘你作麼生會有僧擬進語儉  
便舉拳又曰汝等俱赴晨粥待吾午時行至期歛衣  
跌坐書偈曰七十六年不生不死雲散長空月行萬  
里擲筆而化閱世如辭傷坐夏六十又一上皇見遺  
表嚶嘆不已曰朕重失此國寔世復得若人乎門第  
子遵遺命就于牧護菴闍維乃分靈骨樹塔於相之  
龍峯上皇親灑宸筆特賜佛燈國師無相之塔復御  
製表真贊六十六字賜之敕割讚州垂冰莊助牧護香

燈後醍醐帝嘉曆改元之夏降旨易菴爲寺賜壽聖  
額儉律已嚴正造詣亦深人望其詞色凜然畏敬有  
七會語錄元圓通竺田心道場月江印作序淨慈靈  
石芝跋上夫竺沙門匡道大師撰塔銘奉議大夫趙  
雍書中奉大夫王都中篆額

贊曰約翁西來之克家弱歲英奇觀答孤峯不白之  
問青松出羣木成天下蔭涼之象蔚然既見覺之識  
記不差南遊道謁太方宗師皆以悟解真正優才博  
瞻稱焉七會之語渾厚斬新於今學者傳誦虎關鍊  
公友欽論道建治上皇師崇問禪歎其戢化曰朕失

此國寔世豈復得若人耶非道山之高爭能感動龍顏至于茲乎哉

相州圓覺寺沙門慧輪傳

釋慧輪字雲屋京兆人初跋涉諸方錯綜內外後參佛炎國師得休歇地炎付衣與偈不幾出世圓覺泐令稍嚴學人欽服掛鐘佛事日天宇寥寥灑氣清中峯大器以圓成高懸箕筮洪音振萬歲千秋祝清明合造化不言之信壯叢林正令之行得可悟心一片路輪皎皎停酸息苦三千利界海澄澄誰聞不喜誰聞不驚且道末後一槌如何告報圓通門裏無遮護

昔請諸人眼裏聽後剏長壽院為溘焉處臨此書偈置筆脫衣春秋七十四元亨元年五月十日也教諭佛地禪師

京兆南禪寺沙門崇喜傳

釋崇喜字見山上野州人久參佛炎了畢大事辭歸粉邑炎付偈印可再入宋國請益宗匠有初祖贊曰遙望赤縣氣迢迢入殊方吐毒氣於頑石得展拜於神光只應伏六宗兮化五印不須歷魏邦兮遊大梁至今日微而不瞬口闕而不張說什麼單傳直指五葉芬芳咄首住相之淨智後遷洛之南禪道價喧輦

上帝召問禪要特賜佛宗禪師之號解印歸東開常  
之三會寺引接四來學人又應檀信招剏信之興禪  
寺爲第一代元亨三年六月八日化於金峯之正紹  
菴中  
京兆南禪寺沙門鏡圓傳  
釋鏡圓號通翁一名淨光不詳其姓其許蚤歲出家  
志幹挺特聰明超在初遊講肆俛搜曾語內外載籍  
靡不綜錯既而嘆曰此非究竟之法棄去歸禪屈野  
之雲巖依高峯和尚久之不契辭往筑之崇福參南  
浦禪師晨昏剋核不知端倪質疑諸方如飢驥尋艸

凡到奈須十七回上橫嶽前後十八度矣一日有僧  
指屋上松曰一切艸木以山河大地爲緣渠獨以何  
爲緣一僧曰以無緣爲緣圓在傍聞之忽然大悟不  
覺失笑趨告南浦卽受記蒞後統州菴於洛西扁曰  
正眼鏟彩潛居無出世意慕雪竇圓悟之風碧巖百  
則公案一一拈掇華園帝皇詔荐臻出世萬壽及後  
醍醐帝龍飛敕住南禪時時召詢法要寵遇甚隆特  
賜普照大光國師之號并御製贊朝野以爲榮也皆  
八宗競起排斥禪宗詣闕牒訴者數四矣元亨四年  
正月二十一日帝召延曆園城東寺南都諸講師於

清涼殿與圓對辯宗要帝宣藤亞祖其露寺除詔召圓  
圓會罹風疾而關係至重承詔旨昇殿宗峯超為侍  
者侍側公卿百官頌班傾聽圓奏曰今對聖上商量  
宗旨應須直問直答不假繁辭若負墮者即作弟子  
矣諸講師先出徒屬驗強弱圓乃命侍者與之斥指  
衆鳥一鶚講徒屈退有泐印玄慧者出問如何是教  
外別傳禪侍者曰八角磨盤空裏走玄慧不會又有  
園城僧匠其攜函而出侍者曰是什麼僧匠曰此是  
乾坤函侍者即以瓦擊碎曰乾坤打破時如何僧匠  
懵然因測有東寺虎聖奏曰昔嵯峨朝諸宗角論一

七日夜也今何限一問一答乎帝從焉於是諸講師  
不勝憤激攘臂切齒問難鋒起圓以無礙辯一折  
之猶如洪鐘隨敲擊大小共應也至一十七日虎聖  
出問如何是禪圓曰箭已離弦無返回勢聖曰吾宗  
亦復如是圓舉扇子曰你試射看聖曰中也圓乃袖  
扇子曰重發看聖曰箭既盡矣圓曰欲知吾禪白雲  
萬里聖曰禪可得聽乎圓曰近前來為你道著聖近  
前圓便一踏踏倒聖起來禮拜於是諸講師旗靡陳  
披各執弟子禮皇情悅懌羣臣駭歎圓以七日堅坐  
病至彌留將歸途中說偈曰清風匝地杲日當空十

方俱逼塞徧界沒行踪泊然而化實元亨四年正月  
二十七日也壽六十八門弟子扶舁歸寺閣維獲設  
利羅無算塔于山下胸曰最勝輪菴曰正眼  
贊曰昔雪峯禪師三上投子九到洞山千載之美談  
以爲行脚之榜樣也今大光國師復三倍于此矣曾  
郎未足稱勤之故使逆水波翻歸巨海且夫教禪角  
論之事世但聞其略而未見其全焉是以疑心過半  
矣瑞龍山與座簿牒兩家往返數書宗論翰羸具記  
在今又東福大愚智公主南禪時值國師之一百年  
忌就正眼菴陞座拈香具散說中委舉贊揚現在錄

中余今併取記之斷決世人之疑焉

豐後蔣山萬壽寺沙門智侃傳

釋智侃字直翁工部侍郎源泰氏足利氏子上野州產

早歲出離學天台教兼通密乘聞有別傳之旨夏衣  
遊方初參蘭溪和尚於建長溪一面器許侍左右著  
精彩久之有南詢之思附舶入宋面謁諸老知法無  
別致歸省蘭溪後往東福見聖一國師復問從上宗  
乘事學人還有分也無國師曰是甚麼事侃提起坐  
具曰今日親見和尚便禮拜國師曰這癡漢參堂公  
侃止輪下日浴學海嘉元末筑之承天寺虛席衆講



侃住持嗣香供聖一德治初年羽州太守藤親平大友  
氏號建萬壽寺於豐後招侃爲開山第一祖九州禪  
玉山客會同堂中盈一千指晨昏鐘鼓鏗爾卯午粥飯嚴  
如其規矩禮樂鬱擬大方叢林也延慶三年大相國  
忠教藤公九條下釣帖主慧日山侃據室拈拄杖曰衲  
僧行履全無方所銅頭鐵額收放臨時佛來祖來勘  
破了打卓一下日龍得水時添意氣虎逢山色長威  
猗謝新舊兩序上堂叢林綱紀之設貴在得人是故  
有新有舊一進一退如國家拜將相似行解相應宗  
說俱通明如杲日寬若太虛普令一切有情無情不

墮有爲不住無爲開鑿入天權衡佛祖雖然不涉新  
舊一旬畢竟如何芍藥華開菩薩面櫻欄葉散夜叉  
頭居一載檀越藤氏疾發使招侃請蒙末後誨勵卽  
擊退鼓歸豐後爲檀越說末後安樂法門復住萬壽  
十年論導甚博元亨二年四月十二日集衆囑後事  
已書偈曰應世隨緣七十八年撒手便行古路坦然  
擲筆坐脫三日茶毘烟氣所及若木若艸五色舍利  
粲然如綴玉有神祠大祝隨侃受戒者有事不赴茶  
毘所乃登高遠望瞻禮葬儀忽有香烟一道隨風襲  
衣恠而觀之舍利數粒煌然在袖大祝涕泣拜捧而

日本書紀 本朝高僧傳卷之三十四  
歸遠近見聞歎未曾有諸徒分靈骨塔于各寺在蔣  
山日常樂在慧日日光明藏南禪椿庭壽公作塔銘  
敕諡佛印禪師

相州建長寺沙門道隱傳

釋道隱號靈山不詳其姓族宋杭州人蚤脫塵纒參  
仰山雪巖禪師巖俛看狗子無佛性話久之契悟呈  
偈曰妖嬈萬態逞餘芳華品名中占得王莫把傾城  
比顏色從來家國爲伊凶巖復印可萍遊江湖謁一  
時名衲後入經藏多歷寒燠聞此方風元應初半浮  
杯東渡副元帥平高特喜迎在建長叢規嚴整七衆

崇信夢窻石公在三浦泊船菴往復酬唱動經信宿  
矣隱題偈血書華嚴經感舍利曰百城烟水蠅螟眼  
五十三人驢馬羣額有圓珠皮有血針鋒毫未定功  
勳題血書泐華經曰轉身成佛夢中夢不裏明珠泥  
彈丸血脈貫通親徹句紅蓮華綻紫毫端血書金剛  
經曰三心歸一一非心十指何須痛著針山雨乍收  
秋日薄丹霞散彩落風林隱後於巨福山中躬正受  
菴爲菟裘地正中二年三月二日唱遺偈曰還源歌  
還源歌還源一吹脫娑婆哩哩囉趺坐而化春秋七  
十有一勅諡佛慧禪師

贊曰隱公觀火此國據名藍八年矣覓其提唱已失  
不見辭偈一首載鎌倉五山記又在宋之日雲遊行  
卷號業識團體裁新鮮傳中所載題血書華嚴經等  
是也然或者之言曰禪師住淨智建仁收衆之暇自  
瀝指血書華嚴八十軸矣夫隱公無準的孫雪巖高  
弟正欲兼臨濟本分鍵錠以接得此方學人豈煩糝  
糊聖經而慎朴實頭漢耶以己眼之暗鈍置明眼宗  
師其過不少看者辨焉

京兆普門寺沙門慧瑋傳

釋慧瑋字玉溪涑指經典覃思密部棄參聖一國師

遂受記蒞出世洛之普門不詳其所終上足無夢清  
公齋瑋之頂相入元請讚於徑山古鼎銘禪師銘公  
贊曰無相之相太虛蕩蕩絕點絕清一爲無量坐山  
陽之道場走東海之龍象用文武火煨聖鎔凡示抽  
顧機興風作浪叢林著龜人天榜樣雙徑如此讚揚  
後代從歎鑽仰夫是之謂東福聖一之真子凌霄圓  
照之的于玉溪和尚

京兆萬壽寺沙門智義傳 智翁

釋智義號松嶺後深州帝子幼從審覺禪師脫錦紈  
著緇服學出世法及其成人徧參諸方天性俊邁得

宿命智待鏡堂圓單師於建仁益深證解回嗣審覺  
歷遷圓通三聖萬壽三刹所在秉法柄後退休如意  
菴嘉曆元年十月十一日化遺偈曰昔年恁麼來著  
趙州布衫今日恁麼去脫貼肉布衫一公一來莫相  
嫌發明千山與萬巖又有釋智翁字無才幼稱侍聖  
一國師後從審覺悟心地法初開堂萬壽後住江州  
青蓮寺爲第十世嘗題自頂相曰爾不似吾吾不似  
爾畢竟如何不是不是

能州諸嶽山總持寺沙門紹瑾傳

釋紹瑾號瑩山俗姓藤氏越前多禰郡人母某氏夢

吞朝日有孕自此每日禮觀音像二百二十拜誦普  
門品二十三卷禱胎中爲奇男也及生顏範異常稍  
長慕出世法年甫十三隨永平孤雲并公剃髮稟戒  
舉厝純如志趣高邁并公曰你有太人之度他日當  
爲人夫師逮并遷化依大乘徹通介公晝夜參究脇  
不至席食不其味聞通舉趙州平常心是道詰豁然  
契悟卽云我會也通曰你作麼生會瑾曰黑漆崑崙  
夜裏奔通日未在夏道瑾曰逢茶喫茶逢飯喫飯通  
印曰你向後當起洞上宗風尋以審鏡三昧三種滲  
漏五位顯訣等一一究盡無剩蘊矣乾元初年住大

乘寺大唱宗乘四海龍象競集會下正和二年同州  
滋野信直妻崇瑾道義施洞谷山藤氏家方建永光  
寺延瑾任持賀州檀信建淨住寺招瑾而主能州櫛  
比縣有定賢律師屢來問法遂革教寺講瑾爲開山  
始祖未幾檀輟雲委堂宇周備號曰總持寺禪客憧  
憧恢復祖風上堂舉拈華微笑因緣曰靈山會上八  
萬人天無知拈華微笑又是什麼時節若人直下見  
得古今一時透徹也可謂不因今日事爭語昨夜  
夢後來徑山清了禪師拈云世尊有密語古渡春殘  
迦葉不覆藏落華流水雪竇智鑑禪師云世尊有密

語迦葉不覆藏一夜落華雨滿城流水香此是古人  
舉古明今梅樣也我且問諸人當昔拈何華笑何華  
端的道看以拂擊牀日墜過了也元亨年中後醍醐  
帝降十疑問瑾奏答明詳帝特賜綸綽以總持爲賜  
紫出世道場正中二年八月初屬微疾至十五日夜  
半召門人曰吾化緣已盡泥洹時至沐浴整衣鳴鐘  
集衆指示法要門人請遺偈偈書曰自耕自種閑田  
地幾度賣來買太新無限靈苗繁茂處法堂上見插  
鉢人捨筆而寂世齡五十八浴臘四十六如法茶毘  
得舍利若干粒建塔於大乘永光淨住總持四處扁

日傳燈瑾著正法眼藏語一卷清規二卷坐禪用心  
記嗣法弟子無涯洪壺菴簡明峯哲我山碩珍山款  
謚佛慈禪師  
贊曰瑾公祖述道元憲章并介宗猷號令峴然有序  
膺受紫袍之寵賜炎昭乃祖之道場整頓一家規典  
爲後學之矜式如佛慈禪師可稱洞上之中興焉

京兆南禪寺沙門處謙傳

釋處謙號潛溪本貫武州初參佛炎於圓覺後隨聖  
一於東福參究純真遂有悟處在建長典藏在建仁  
首衆正和九年夏出世筑之承天指門曰家風斬新

匝地普天不立門限大道湛然當晚小參拄杖曰  
生佛未分有一句子岌岌然超出六合之外湛湛焉  
透徹萬化之中無邊事門由此成就更不與萬法爲  
侶無量三昧由此建立而不與千聖同途卓一下曰  
大衆還會麼若向者裏見得徹公坐斷報化佛頂髻  
開頂門正眼融十虛於毫端置塵劫於當念便乃不  
離南瞻部洲而遊北鬱檀越直得水雲雜沓聖凡交  
參彼我忘情主賓道合雖然如是某乍到此問未免  
井竈向背門限高低從頭問過何故良久曰一回拈  
出一回新尋住東福陞董南禪後醍醐帝驗謙禪道

召宮問法要奏對既畢自賜龍涎念珠金紙御扇爾來  
屢屢枉警蹕於南禪受密灌并衣盂特賜晉圓國師  
之號奉旨陞座祝聖復說偈曰從來皇道自平平人  
樂堯風舜日天艸木百年新雨露乾坤一統舊山川  
謙後剝播之害炎寺以居國中禪林之權輿也又攝  
之澄心勢之淨法謙所開基也元德二年五月二日  
遷化塔于慧山之本成寺小師紹侍者持謙照容入  
元從本覺靈石芝公請真贊石贊語曰矯矯釋龍耽  
耽律虎戒潔踰冰食不過午持呪泣鬼神掀髯呵佛  
祖四坐道場宗風振舉是所謂聖一國師密授親傳

之嗣子

贊曰東福岐陽秀禪師曰弘安正應間禪門諸老棟  
梁大汰者後前輩出迨潛溪遷瑞龍元應帝召對清  
涼殿問佛法大意奏對稱旨帝迺加跪禮自後龔屈  
胸於龍衮枉警蹕於禪苑吾宗龍光前未嘗有也秀  
公博覽宏才知人眼正其言至于如斯故余全辭系  
之贊尾

相州建長寺沙門巧安傳

釋巧安號嶮崖肥前州人幼年出家初學天台止觀  
通達圓理講場議訖為同儕所推後參佛源禪師于

建長源謂安曰義理之學多滯在知解名曰理障亦  
名恣愛所以道思而知慮而解鬼家活計因使提撕  
有句無句如藤倚樹公案安奮激參尋洞徹本根源  
命司藏經結制秉拂列刹相其稱其提唱初開泐於  
肥之朝日山安國寺移相之世尊寺相續住壽福建  
長等大刹接化雲衆遊瑞泉寺題偈徧界一覽亭曰  
一峯正露半空間孤峻清高絕頂寒眼力窮邊休著  
意古今十世似天寬晚居龜谷悟本菴元弘元年七  
月二十三日以疾遷化遺偈曰臨行一著不假兩腳  
踢倒須彌踏翻碧落世壽八十門人奉遺殖塔于本

菴救謚佛智圓應禪師

贊曰安公初學台教覃思觀心逢佛源之鍼起膏肓  
從前知覺一時際斷及分騶大方控御海衆震霹靂  
之舌落魔外之膽搜索其全錄我未之見也拾取二  
三策載傳燈錄及此猶爐薰一炷嘉會過纔有殘香  
賸馥者歟

京兆建仁寺沙門道生傳

釋道生號鐵菴不詳姓氏羽州人也久參佛源瑩徹  
心源太遊諸方殆三十年所至諸刹投以高職秉拂  
說法各翼翥叢林出世本州資福歷據筑之聖福洛



之建仁相之壽福何望景從大闡松源之道除夜小  
參風燼雪灑蝶驚夢奈此寒威徹骨何樓上角吹殘  
臘月短檠燈吐兩宵華便恁麼告報已落諸方普請  
邊不涉功勳如何舉揚資福今夜向爆竹未鳴已前  
與諸人開一路子太也卓拄杖一下曰舊歲今宵太  
新年明日來謝秉拂幹齋上堂土鼓簣桴賞音者少  
明水大羹知味者稀聞者黜厥聽嘗者禿厥舌何也  
卓拄杖一下曰朕聞上古其風朴略上堂三世諸佛  
說虛論實六代祖師画模起樣東山不然何故西風  
五更雨南鴈數行書佛涅槃上堂雪嶺成道金河願

命靡不有初鮮克有終波旬袖濕慶喜淚濃又添社  
字哭春風謝知事上堂石窻不點公燈而古佛光明  
盛大楊岐挾衾入庫而慈明法道森嚴只如以三文  
錢買片生薑又作麼生貪者不與廉者不取開爐上  
堂知寒只說普通半雲鎖八紘欲雪天休向諸方貪  
暖熱誰家竈裏火無烟臘八辭衆上堂認得漁篷離  
岸火瞿曇夜半作明星一聲鐘動海天曉依舊數峰  
江上靑生以不弘元年正月初六寂于東山瑞應菴  
書遺偈曰罵詈佛祖今七十年一舌拖地兩腳踏天  
火化念珠不壞得堅固子無算塔曰海性就論本源

禪師生天資秀拔博探內外特富文學有語錄外集若干卷元之育王月江印雪峰樵隱逸四明東陵璣本朝乾峯曇華諸老爲之序跋贊曰雷霆鳴夏也霜雪降冬也聞見驚肅出自根本者自然而然宗門從上諸師吐一言半句則坐斷天下之人舌頭而百世之下使人興起焉蓋亦自心源上流出來也余看鐵菴和尚語錄逸格高古秉心塞淵雙先覺而無所慙焉垂後昆而可爲範矣今舉其提唱七章以載于傳中學者宜詳讀之

京兆東福寺沙門宗吳傳

釋宗吳字天柱駿州久能郡人奇山然公之姪也嗣泐聖一禪學之外通顯密教宛有家風又入元謁見諸師依藤丞相之勸出世東福正慶元年八月二十一日遘病書偈曰不離當處直下則行地獄天堂一片打成拋筆而化塔于大雄菴

洛北靈鷲寺沙門良真傳

釋良真號夢嵩時人稱靈巖與州人也幼有老成之智不其處俗辭親出家遊行教肆該貫三藏俄嘆古人糟粕徒勞斟酌棄去參一翁豪公侍長樂函丈者十年卒徹禪源翁指見佛光禪師光前宵夢一僧自

嵩山少林寺來持十六應真像惠之十五慎而缺一  
怪而問之曰明日有肉身大士來斯其一也翌晨真  
至炎笑而參堂及卻回長樂一翁既寂矣諸徒以入  
佛堂爐鞠來欲以叔父待之真不可上洛依大明國  
師于東福充典座之職大明禪餘講說經論真每臨  
其席屢致問難其徒嗛之真柴崖太入城北靈巖閉  
門不與世接大相國實衡藤公西園寺愛真枯澹相從  
論道因縮小廬於靈鷲以居禪榻蕭然萬象為徒藤  
公欲廣其居真曰風穴州菴楊岐疎壁古人尚爾況  
於吾儕乎學人往來無虛日隨叩應之或問師何姓

真曰無姓性空故問壽算多少真曰與虛空同年  
一日無病澡浴新衣召諸徒曰我今日行矣汝等努  
力過一紀後當發牆視之全身不壞矣索筆書偈書  
訖端坐侍僧撼之已脫太門人檀信等昇全身塔于  
本山至期高弟等議曰色體之壞與不壞泐身何干  
哉慎勿動那伽定竟不發焉有嗣泐弟子二人釋圓  
淨字意翁開因之興聖後炎嚴帝勅賜佛通禪師釋  
良忠字直翁為慈德第十代

本朝高僧傳卷第二十四

音訓

瓦 五寡切

汨羅

上莫狄切 下郎何切 水名

灣

鳥還切 水曲

椀躔丘

躔他切 上乞格

謂無用也 禛 側六切

灝 胡老切

箕 聳九切

剋核

切下

樣

徐兩切 式

得也 締 丁計切

窳 邊迷切

槽

莫紅切 無知貌

蹈

杜到切

樣

徐兩切 式

也 煌 胡光切

妖燒

上伊妖切 下如招切

瑋

丑倫切

邁

莫懈切

鋏

莫懈切

此遙 炭 忌立切

平 蒲眠切

衰 古本切

霹靂

上匹亦切 下郎狄切

柴崖

音銜有 所挾也

柴崖

柴崖

上牀皆切 槽粕

下匹各切

慎 朱孟切

藪 薄邁切

兼

音銜有 所挾也

柴崖

柴崖

下宜皆切

江府住玉泉軒成九居士信施淨財鏗  
 本朝高僧傳卷二十四 茲冀  
 上報四恩下資三有家道繁興種智圓明  
 寶永丁亥佛成道之日  
 濃州路加納盛德禪寺 知藏比丘 識

日本書紀卷之五

五

皇孫高祖天皇  
 上葬西宮下宮三倉宮  
 本傳高祖天皇二十四  
 天皇葬西宮下宮三倉宮  
 天皇葬西宮下宮三倉宮

				和書門
三二	七架	一〇函	九四七八號	類

庫文閣内			
九	九	和書	
函	三四七八		
二	二		
架	冊	號	類